



QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 28. Novembris.

M. CLAVDIO BERGER,
Doctore Medico, Præside.

*An puerpera febrî correpta, purgamentis defecta, cedenda
cubiti vene.*

I.

FEBRIS calor est peregrinus & igneus, in corde & sanguine universo succensus; cujus nec ratio, nec origo est una. Interdum enim simplex est & solitarius: Interdum prodit magnâ leviorum, graviorum affectuum cattervâ circumseptus: nonnunquam silentio, obscurisque subit initiis: nonnunquam subito emicat: nunc lentè macerat; nunc apertè furit; nunc assiduè simulque uno tenore torret; nunc & certis excandescit horis; nunc sopitus statis diebus reviviscit. Est ubi qui ignem cepit, fovetque humor, nullâ putredinis labeculâ aspersus ebullit. Est ubi foedâ lue pollutus diversas profert species febris,

continuae, intermittentis, tertianae, quartanae, exquisitae, nothae. Is porro morbus nulli parcit corporis parti, nulli aetati, nulli sexui: saepius tamen adoritur follicitos, iracundos, crudos; macie, inedia, labore confectos, ociosos, vigiles, perpastos, qui praeter morem nitent, nimioque cibo, nimium fecere corporis: rarius ambigui vultus homines.

II.

FEBRIS omnis (praeter illam cui, quod parti cuiuspiam accensae, tabescenti, ulcerosae, aut ad corruptionem eunti superveniat, symptomatice nomen est positum) a confligente, saepe & a putri sanguine ortum ducit. Hic veluti caloris est unica sedes; sic & proxima febris est causa; tametsi aliud sit subiectum. Qui fugax, minusque constans est calor, partim dumtaxat uni infedit, aut ab una late in aliquas alias: at non in omne corpus spargitur; haudquaquam febris appellatione continetur. Ad rem quoque pertinet quibus in locis ferveat, putrescatque sanguis: In membris, ductibusve longius a corde diffusis, erysipelata, Phlegmonas, abscessus, tubercula, pustulas, maculas, pruritus, ardorisve sensum excitat; neutiquam febrem: nisi flammam inde rapuerint majora, quaeque cordi propiora sunt vasa: ut remotiora febrilis istius pabuli nihil, aut quamminimùm recondant. Hinc toties febris jactatos frustrata est spe summam sperata salus ex largâ profusione sanguinis è naribus, podice, utero, etiam rato temporis circuitu sese repurgante.

III.

PVERPERÆ ad febrem sunt paratissimae: quamdiu enim foetus uteri umbraculis tegitur, ipso sanguinis flore, parte scilicet purissimâ, suavissimâque reficitur; ut superstes faciliè supervacanei residis contagione inficiatur, magno foetarum damno, quibus propterea statim a conceptu languent oculi; pallet violâ tinctus eorum ambitus; easdem mox infestant fastidia, anxietas, animi defectio, nausea, vomitio, perdita, vel certè rerum alienissimarum appetitio. Auget hæc mala liberiùs vivendi potestas; largiorque, nec benè modificatus cibus, quo

ociosa implentur: omisâ siquidem exercitatione, quâ calor blandè exsuscitabatur, partesque omnes quasi flabello ventilabantur; corpus cum suâmet, tum impuritatis mole gravatum torpet. Ita putredinis in dies tacitè gliscentis vitio contaminatus sanguis, crebris ac laboriosis nîsibus, crebrisque, quibus parturientes ardent doloribus, tanquam admotis facibus promptissimè inflammatur.

IV.

QUÆ factum ex uteri latebris, suisque involucris evolutum subsequuntur λόχεια variis ex causis ple-
rumque cunctantur: nec rarò, velut obsignatis quibus desiliebat osculis, derepente consistunt. Sæpè metu, tristive nuntio; utero, ipsisque purgamentis à calore derelictis: sæpius abortâ febrî, ignitisve muliebribus locis, calore nimio exsiccante, depluentemque colluviem, injectis quasi manibus cohibente. Tum quippe solito tenior, amplior, & spongiæ instar laxior, plurimoque, quem combibit sanguine turgidus enixarum uterus; acerbis autem partus cruciamentis distractus & attritus, injurias vel levissimas vix impunè tolerat; ut illius inundantis lentore, pigretur; fervore, æstuet; mole, opprimatur; putredine, corrumpatur, tantò certius suâ νεκρώσει corporis universi ruinam secum ducturus, quantò id celerius febrili ardore consumitur.

V.

AD comprimendam febrem refert unde fundatur sanguis. incisâ quæ ad malleolum excurrit venâ, ejus quidem copiam: at neque putredinem, serè enim ruber floridusque exilit; neque febrem illius alumnam, diminues; neque, quidquid garriat vulgus imperitorum, quidquam revelles ab utero. Planè quemadmodum hic, menstruâ purgatione; puris emunctione, ren; sputis rejectis, pulmo; naribus sanguine, mucôve manantibus, cerebrum, excrementorum onere pressa singulatim levantur; non universum corpus: sic recluso tenui saphe-næ rivo, depletur privata sedes; de tabo febrisque nutritrice colluvione, quam intima cœlant præcordia, nihil

aut quàm parcissimè demitur. Deferenda ejus rei palma grandioribus, sectūque facillimis cubiti venis, per quas ē proximo, & imo spurcioris putredinis fonte citissimè, plenissimèque hauritur; illā dissipatā, sedatoque æstu, & laxatis spiramentis quibus subit aër, abeunt fumi, febris jugulatur, cor vicinum, cæteræque multi caloris partes præcipuè recreantur, currentis ad ægrum uterum sanguinis impetus sistitur. Tum ut, rebus omnibus solutissimis, sese collegit reddita sibi quâvis arte potentior Natura, adfuetam fortius præstat vicem: quidquid vitiosè se habet, aut superfluit; secretum abigit à corpore, ipsum denique uterum multā sorde impeditum, unā egregiè expedit.

Ergo puerperæ febri correptæ, purgamentis defectæ, cedendæ cubiti vena.

DOMINI DOCTORES DISPUTAVRI.

M. Robertus Raoul.

M. Matthæus Thuillier.

M. Ioannes Baptista Fer-
rand.

M. Carolus Matteau.

M. Antonius le Moine,
Scholæ Professor.

M. Guydo Crescentius
Fagon, Familiæ Re-
gina Medicus ordina-
rius.

M. Claudius Guerin.

M. Petrus Tuelin, Medicus Re-
gis Ordinarius, & serenissima
Avelianensium Ducissa Me-
dicus Primarius.

Mathurin Denyau, Professor
Regius.

Proponēbat Lutetiæ LUDOVICVS GAYANT,
Parisiinus, A. R. S. H. M. DC. LXIX.

PARISIIS,

Ex Typographia FRANCISCI MUGUET, Regis ac Illustrissimi
Archiepiscopi Parisiensis Typographi.